


Առաջիկա օրերին ԱԺ պատվիրակությունը մեկնելու է ԼՂ՝ քննարկելու ԼՂՀ խնդրին առնչվող իրավիճակը: ԵԱՀԿ Մինսկի խմբի ամերիկացի համաձայնագահ, ԱՄՆ պետքարտուղարի տեղակալի օգնական Մեթյու Բրայզան հայտարարեց, թե «որոշակի պահի Ստեփանակերտը կարող է միանալ ԼՂ հակամարտության կարգավորման բանակցություններին»: Ծիշտ է, Բրայզան առայժմ հարկ է համարել ասել, թե այսօր բանակցությունների ձեռնարկի փոփոխման մասին չարժե խոսել, բայց, այնուհանդերձ, այս ազդակն անհետեւանք մնալ չէր կարող:

Ի՞նչ կքննարկեն մերոնք ԼՂՀ-ում: Կարելի է դատել նաեւ երեկ ԱԺ-ում քննարկված հայտարարության նախագծից, որի հեղինակը ԱԺ նախագահ Տիգրան Թորոսյանն է: Ըստ փաստաթղթի, Ազգային ժողովը ՀՀ նախագահին եւ կառավարությանն առաջարկում է «ակտիվացնել եւ ընդլայնել ԼՂՀ խնդրի վերաբերյալ միջազգային հանրությանը լիարժեք տեղեկացնելուն ուղղված միջոցառումների մշակման եւ իրականացման ջանքերն ու հնարավորությունները», «ԼՂՀ խնդրի կարգավորմանն ուղղված հայաստանյան քաղաքականությանը հաղորդել ավելի նախաձեռնողական բնույթ» եւ «միջազգային իրավունքի շրջանակներում ձեռնարկել այն իրավական հիմքերը, որոնք Ադրբեյջանի կողմից ռազմական ագրեսիայի կամ այլ բռնի միջոցների կիրառման դեպքում ՀՀ-ին հնարավորություն կտան ապահովել ԼՂՀ լիարժեք անվտանգությունն ու պաշտպանությունը»: Առաջարկը պայմանավորված է մի շարք հանգամանքներով: Մասնավորապես, ըստ նախագծի, նման առաջարկ

ներկայացնելու հիմնավորումների թվում է Ադրբեյջանի բարձրաստիճան պաշտոնյաների շարունակական ռազմատենչ, հայատյաց քարոզչությունը: Բացի այդ՝ Ադրբեյջանի կողմից հրադարձի խախտման սադրիչ գործողությունները, մասնավորապես, մարտի 4-ին ադրբեյջանական զինուժի ներխուժումը ԼՂՀ տարածք: Նախագծի քննարկմանը ԱԺ սակավամարդ դահլիճից հնչեցին մի քանի հարցեր: ՀՀ-ի խմբակցությունը կոչ արեց խստացնել հայտարարության ոգին: Խմբակցության ղեկավար Հրայր Կարապետյանը հայտարարեց. «Մյուս երկրների խորհրդարանները նման հարցերի վերաբերյալ առավել արմատական կեցվածք են դրսևորում, քան դիվանագետները: Եւ, կարծում եմ, մենք չպետք է բացառություն լինենք»: Հրայր Կարապետյանը մասնավորապես առաջարկեց ընդունել ՀՀ-ի առաջարկը, ըստ որի՝ «ռազմական կիրառումը բացառելու համար Ադրբեյջանի հետ կնքել ուժի կիրառման սպառնալիքից փոխադարձաբար հրաժարվելու վերաբերյալ համապատասխան պայմանագիր: Եթե չեն ընդունում մեր հարեւանները, սա մեզ համար լավագույն միջոց է, որպեսզի վաղը մենք ասենք, որ մենք առաջարկել ենք, նրանք հրաժարվել են: Եթե կընդունեն՝ ավելի լավ»: Այս կապակցությամբ Տիգրան Թորոսյանն արտահայտեց իր անհամաձայնությունը. «Եթե մենք ինչ-որ բանում պիտի Ադրբեյջանին մեղադրենք, կարող ենք հենց այսօր էլ մեղադրել, որովհետեւ նա իսկապես խախտում է բազմաթիվ փաստաթղթեր, որոնց նա միացել է: Սկսած ՄԱԿ-ի կանոնադրությունից, կարելի է շարքը երկար թվարկել: Կարծում եմ, մի քիչ արիեստակա-

նություն կա այդ առաջարկի մեջ»: Վահան Հովհաննիսյանի գնահատմամբ, «մեր քաղաքականությունը անատամ է: Այն օրը, երբ Ադրբեյջանը սկսեց ջախջախել Ջուլայի խաչքարերը, մենք պետք է հրաժարվեինք ԵԱՀԿ Մինսկի խմբի հետ բանակցելուց»: Հնչեց նաեւ առաջարկ, թե անհրաժեշտ է ակտիվացնել միջազգային ա-

տության եւ պետականության համար այս կարեւոր հարցը քննարկում ենք այն ժամանակ, երբ Արցախի ինքնորոշմանն ու ազատագրմանը մասնակցած մի քանի տասնյակ ազատամարտիկներ այսօր բանտերում են, որոնք թվում նաեւ մեր գործընկեր ազատամարտիկ պատգամավորներն են»: Տիգրան Թորոսյանն ասաց,



«ԼՂՀ խնդրի կարգավորմանն ուղղված հայաստանյան քաղաքականությանը հաղորդել ավելի նախաձեռնողական բնույթ»

ԸՆԴԴԵՄ ԱԴՐԲԵՅՋԱՆԻ ՌԱԳՄԱՏԵՆՉ ՆԱՅՏԱՐԱՐՈՒԹՅՈՒՆՆԵՐԻ

յաններում ԼՂ խնդրի լուծմանն ուղղված գործունեությունը: ԲՀԿ խմբակցության անդամ Նաիրա Չոհրաբյանը, սակայն, դժգոհեց, թե արտերկիր գործուղվող իր շատ ու շատ գործընկերները, ԼՂ խնդրի կարգավորման առնչությամբ հանդես գալու փոխարեն, շատ հաճախ զբաղվում են «շուպիկով»:

Իսկ ինչո՞վ են զբաղվում պետական այրերը Հայաստանում: Զաղաքական հետապնդումներով՝ Անահիտ Բախշյանը «Ժառանգություն» խմբակցության անունից ցավով արձանագրեց. «Մեր պե-

թե «գլուխ է խոնարհում ցանկացած մարդու առջեւ, որը մասնակցել է Ղարաբաղյան պատերազմին: Սակայն տարբեր հարցեր չպետք է իրար հետ կապել: Մարդիկ, որոնք անմեղ են, դա կապացուցվի: Մարդիկ, որոնք մեղավոր են՝ նույնպես կապացուցվի, եւ կպատժվեն: Անկախ այն հանգամանքից, թե ԼՂ պատերազմին մասնակցե՞լ են, թե՞ ոչ»:

ԱԺ հայտարարության նախագծի կապակցությամբ խմբակցություններն իրենց դիրքորոշումները կարտահայտեն հաջորդ նիստում:



Անուշ ՄԱՐՏԻՐՈՍՅԱՆ
anush@hraparak.am